

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-73-7/22

Datum: 28.04.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14) VD direktora Zavoda za javno zdravstvo Tuzlanskog kantona donosi

O D L U K U

o poništenju postupka javne nabavke usluga održavanja Platforme za masovnu vakcinaciju građana Tuzlanskog kantona

I

Prihvata se preporuka Komisije za javne nabavke po Zapisniku o ishodu kvalifikiranosti broj 07-73-6/22 od 27.04.2022. godine i poništava se postupak javne nabavke usluga održavanja Platforme za masovnu vakcinaciju građana Tuzlanskog kantona koji je proveden putem pregovaračkog postupka bez objave obavještenja.

II

Tenderska dokumentacija za nabavku usluga „Nabavka usluga održavanja Platforme za masovnu vakcinaciju građana Tuzlanskog kantona“ je, u skladu sa članom 28. stav (4) Zakona o javnoj nabavci BiH („Službeni glasnik BiH“, broj 39/14), objavljena na internetskoj stranici Ugovornog organa.

III

Odluka stupa na snagu danom donošenja.

O b r a z l o ž e n j e

U skladu sa Odlukom o pokretanju postupka javne nabavke usluga održavanja Platforme za masovnu vakcinacije građana TK Upravnog odbora Zavoda za javno zdravstvo Tuzlanskog kantona broj 02-239-1/22 od 16.02.2022. godine pokrenut je postupak javne nabavke usluga održavanja Platforme za masovnu vakcinaciju građana Tuzlanskog kantona putem pregovaračkog postupka bez objave obavještenja, broj 07-73-2/22 od 15.04.2022. godine, shodno članu 21. stav (1) tačka c) Zakona o javnim nabavkama („Službeni glasnik BiH“ 39/14) (u daljem tekstu: Zakon).

Shodno članu 28. stav (4) Zakona, Ugovorni organ je objavio tendersku dokumentaciju na svojoj internetskoj stranici, a u skladu sa članom 21. stav (1) tačka c) Zakona, Ugovorni organ je uputio poziv za učešće Berg d.o.o. Sarajevo.

U roku za dostavljanje kvalifikacione dokumentacije za učešće u predmetnom postupku zaprimljena je jedna koverta i to kandidata Berg d.o.o. Sarajevo. Komisija za nabavke (u daljem tekstu: Komisija) je utvrdila da je pristigla koverta blagovremena i ispravno zapečaćena. Tom prilikom Komisija je konstatovala da je kandidat dostavio kovertu sa naznakom „Početna ponuda za pregovarački postupak za javnu nabavku usluga održavanja Platforme za masovnu vakcinaciju građana Tuzlanskog kantona broj 07-73-2/22 – NE OTVARAJ“, što nije u skladu sa tačkom 5.4. tenderske dokumentacije, jer ista jasno definiše način dostavljanja kvalifikacione dokumentacije za učešće u predmetnom postupku.

Komisija je dalje utvrdila da imenovani kandidat nije dostavio dokaz koji se odnosi na sposobnost obavljanja profesionalne djelatnosti definisan tačkom 5.2. tenderske dokumentacije pod b) „Uvjerenje o poreznoj registraciji i/ili Uvjerenje o registraciji/upisu u Jedinствeni registar obveznika indirektnih poreza“ zbog čega isti ne ispunjava uslove za kvalifikaciju za učešće u predmetnom postupku javne nabavke.

Komisija je dalje konstatovala da član 28. Zakona o javnoj nabavci BiH („Službeni glasnik BiH“, broj 39/14) jasno definiše provođenje pregovaračkog postupka bez objave obavještenja, gdje se prvo utvrđuje kvalificiranost kandidata za učešće u postupku, zatim se samo kvalificiranim kandidatima upućuje poziv za dostavljanje početne ponude koja predstavlja osnov za pregovore, nakon čega se upućuje poziv za dostavu konačne ponude. Navedeno je jasno definisano i u tenderskoj dokumentaciji za predmetni postupak javne nabavke. Imajući u vidu da Berg d.o.o. Sarajevo nije dostavio kvalifikacionu dokumentaciju kako je definisano tenderskom dokumentacijom te je propustio dostaviti i jedan od traženih dokaza za obavljanje profesionalne djelatnosti, isti ne ispunjava uslove za kvalifikaciju za učešće u predmetnom postupku.

Shodno navedenom, a u skladu sa članom 28. stav (2) Zakona, Komisija je predložila VD direktora da se predmetni postupak javne nabavke poništi, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od 10 dana od dana prijema Odluke.

VD DIREKTORA

Sarihodžić dr. Majda, spec. socijalne medicine
MA menadžmenta



Dostaviti:

1. Kandidat
2. a/a